

歷代倫理學文獻輯刊

27

吳平 葉憲允 張藝續 編

國家圖書館出版社

吳平 葉憲允 張藝嶺 編

歷代倫理學文獻輯刊

27



國家圖書館出版社

第二十七冊目錄

人範須知六卷(卷一—四) (清)盛隆輯 清同治二年(1863)石竹山房刊本	一
卷一 敦倫格上	二一
卷二 敦倫格下	二〇九
卷三 修身格	三九九
卷四 治家格	五八九

人範須知六卷

同治二年刊

人範須知

石竹山房藏版

序

知字號第三

天位乎上地位乎下人位乎中是之謂三
才人爲萬物之靈具於性者有四德切於
身者有五倫人之名甚尊而天之責甚重
也昔劉念臺先生著人譜欲學者證其所
以爲人而首偈夫證心之學馮山公嘗爲

之梓并率同志共體而行之夫君子之爲
善也盡其所當爲務乎人之實而已其去
惡也絕其所不可爲別乎人之異於禽獸
而已福善禍淫之說有弗計焉然書言惠
迪吉從逆凶惟影響易言積善之家必有
餘慶積不善之家必有餘殃理與數固不

容誣也君子衡理不衡數理足以範天下
之君子而言福然後足以引天下
言禍然後足以懼天下之小人善乎陸宗
楷之言曰不求報而爲善不畏報而去惡
者聖賢之心知善惡之無不報而益不敢
不爲善不敢不去惡者卽吾人勉爲聖賢

之心推吾不敢不爲善不敢不去惡之心
力談因果旁引曲證惟恐人之不求報與
不畏報則卽體夫聖賢與人爲善之心而
其感人尤易人予生平無他好最喜觀古
今名人善書凡前言往行之散見於史傳
語錄及各自成集有足以維世道正人心

爲後人所矜式者羅致之置諸座右每日
必閱數頁覺身心收攝循漸向理不獨變
化氣質且能養人精神今年七十有八矣
目力尙强惓惓於懷不敢釋思欲付之削
劂以公同好爰本曩所手輯爲之分其格
詳其目先以廣義繼以徵事顏之曰人範

須知範者法也模也常也天下事惟知之而後行之朱子所謂知行並進也淺之爲愚夫婦可與知能而推而極之爲賢知之所莫能外人之欲善誰不如我願世之閱是編者廣爲流通宣布俾天下共曉然於人之名不可負人之責有必歸一道德而

同風俗是亦成己成人之一則也夫

同治二年歲次癸亥三月朔日晉陵盛隆
惺予氏題於楚北武昌道官廨之石竹山
房

凡例

一凡勸善之書。高者或入元虛卑者或流猥瑣。是編因類摘書。雖未敢云採掇盡善。然論必衷於切實。訓必出於雅馴。期使淺者見淺。深者見深。各得觀感實受之益。

一廣義中皆採經訓子史及先正諸格言。或以名稱。或以號稱。或以諡稱。或以書稱。種種不一。隨見隨錄。悉仍其舊。世之今古人之先後俱不拘。其有不關本條之實義。而可與互相發明者。附錄之。

一引證事實。非以爲法。卽以爲戒。原從各集揀擇錄出。意在激勸。重作善一邊。於善事頗詳。所言災祥之應。其報甚重。蓋亦生平

人
多
知
一
人
積累所致。非僅因一節而然。特徵事於本文之下。無取旁及。讀者當善會之也。

一。是編各條。俱先以廣義。繼以徵事。另於格上標明。庶彼此不混。其有廣義中引證事實。徵事中旁及議論。意各有主。皆係因類而及。非妄相僥雜也。

一。喪葬與祭。爲聖人所甚重。名教所必先。而偏爲流俗所易忽。士大夫若不爲講究。非所以植品行。維風俗也。故敦倫格內。於父母條下特詳。

一。敦倫脩身治家居鄉。乃士庶通行格。所徵係名臣事實居多。徹上徹下。理固如是。非與居官混也。外另立居官一格。繫以各條。

則劃然確有專主。居官宜無所不統。而天下之治。全在守令得人。故於守令詳言之。是編本末兼該。內外無闕。可以勵風俗。厚人心。無人不受範圍。無地不有規則。先哲云。一時勸人以言。百世勸人以書。所益於人。豈淺鮮哉。

惺予氏又識

